

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Augustanae Confessionis Historiam, Rectore
Magnificentissimo, Serenissimo ... Friderico Augusto,
Principe Regio ... A Recentiorum Quorundam Corruptelis
Breviter Vindicatam Dabunt**

**Wernsdorf, Gottlieb
Seeger, Johann Friedrich**

Vitembergae, 1705

§XVII.

[urn:nbn:de:bsz:31-67830](#)

applicatione intelligi posse, adeo Reformati non negant, ut etiam hoc sensu sacramenta signa *exhibitiva* appella-re non dubitent. Denique c.) integrum elenchum omi-sit, Cinglianis gravissimo Lutheri confilio sigillatim op-positum, quo his, perinde ut Nostris, ad illius societa-tem pateret aditus. Hæc est notabilis plane mutatio minime omnium pro mere *Circumstantiali*, vel, ut *Stri-mesius* loquitur, *Accidentaliter* habenda, siquidem in *non-mu-tata* vera, realis, & substantialis præsentia C. & S. C. doce-tur; in *mutata* vero non creditur. In illa *oralis*, & indi-gnorum manducatio innuitur; in hac dissimulatur: In illa secus docentes improbantur: in hac relinquuntur.

§. XVII. Hoc autem de mutata Confessione judi-cio vehementer se laedi existimant Reformati. *Injurii* sunt in A. Confessionem, & Philippum, qui variatam editio-nem, & corruptam & depravatam, cum A. C. primigenia haud-quaquam eandem, sed ab hac prorsus aliam clamitant, scri-bit *Strimesius* in Hex. p. 20. 25. Negat igitur Eandem in substan-tia mutatam: negat mutationem privato Philippi consilio suscep-tam, negat in gratiam Cinglianorum factam fuisse. De singulis ordine videamus. Negat I.) Con-fessionem in Art. X. esse substantialiter mutatam: idque a.) quia verba utriusque Confessionis & sententiae substan-tialiter non differant. Merito, inquit, ad cuiusvis sensum & intellectum provoco, num due dictæ propositiones (in non-mutata, & mutata Confessione) substantialiter inter se differant, quando posterior non tantum priorem supponit: (corpus enim & sanguis Christi dicta vere exhiberi in coena, eo ipso necesse est dici vere in coena adesse & distribui;) sed & posterior priori plus dicit: Nam adesse in coena C. & S. C. vere possunt, nec non a Ministro vere distribui, ut tamen non vere communicantibus, certe non omnibus, exhibeantur; at, quan-

quandounque in S. Coena a Ministro C. & S. C. communicantibus vere exhibentur, necesse est & ea adesse, & ea distribui. Hæc Strimesius in Hex. p. 26. a quo hic omnino dissentio. Nam differre propositiones illas : C. & S. C. vere adsunt & distribuuntur vescientibus ; Et illam : C. & S. C. vere exhibentur vescientibus : oculorum mihi, & aurium sensus suggerit. Substantialiter autem differre intellectus meus, & ratio ipsa dictat. Posterior, fateor, priorem supponit, & plus quam prior infert : sed tum demum, si & vere adesse, & distribui, & exhiberi in significatu primo, proprio, & ordinario ex mente piorum confitentium relinquantur. Quicquid enim dicitur alicui vere, ac proprius exhiberi, ad modum substantiæ, id utique prius vere, & quoad substantiam, eo in loco, ubi exhibetur, & cum iis symbolis, sub quibus exhibetur, adsit, vereque ac realiter, ipsius exhibentis manu distribuatur, necesse est. Ast ubi deseritur significatus horum verborum primus & proprius, & exhiberi accipitur pro mere imaginaria materiæ coelestis applicatione per fidem, quæque adeo nuda cogitatione atque conceptu fiat : quod facere Reformatos certissimum est : tum vero exhiberi nec veram realemque ipsius materiæ exhibendæ presentiam, nec veram quoque & realem illius in, & cum symbolis distributionem supponit, quin negat potius illam ac destruit. Unde & Reformatorum gustui attemperaturus Confessionem Melanchthon verba illa, vere adesse & distribui non retinuit, & cum exhibitione conjunxit ; sed sustulit, & expunxit, ut qui facile intellexit : veram realemque presentiam, veram quoque & realem sub, & cum symbolis distributionem cum exhibitione illa, qualem fingunt ac statuunt Reformati, conciliari non posse. Duas igitur superius adductas Propositiones substantialiter differre, tamdiu negari nequit, quamdiu certum

tum est , Lutheranorum & Reformatorum hoc in Article
tculo sententias substantialiter differre.

§. XVIII. Negat porro substantialem mutationem Strimesius quia b.) omissione elenchi eandem non inferat. In Confessionis, inquit, cujuscunque articulis singulis subintelligi vel eadem (nempe elenchi in A.C. verba) vel similia videri necessario debent : Qui enim positive aliquid in Confessione fatetur, ille id semper, quod secus se habet, diffitetur ac improbat. Ut proinde omissione verborum istorum tautologia duntaxat evitatio habenda sit. Vid. Hex. p. 27. R. Positio & confirmatio Veri, est utique virtualiter rejectio & confutatio falsi. Interim sicut Scriptura non modo πρὸς διδασκαλῶν, sed etiam πρὸς ἔλεγχον est data 2. Tim. III, 17. ita plurimum interest religionis, ut non modo verum dilucide ponatur, sed falsum quoque clare & perspicue improbetur. Scopus enim Symbolorum praecipuus est discretio ab haereticis, qui nisi expressus adhibetur elenches, obtineri non potest. Die Wahrheit der religion ist schon halb verloren/ so man keine antithesen treibet / und nicht schreyet : hütet euch vor den falschen Propheten : recte olim monebat Flacius wieder etliche Unwahrheiten Jo. Menii Jene anno 1558. lit.f. Scriptum est : Non dicas falsum testimonium. Non debui itaque probare tacendo mendacia alterius. Nam & hoc falsum testimonium est, non refutare mendacia, scribit Pencerus in narrat. hist. de Coena p. 40. Instat Strimesius p. ead. similem, imo prolixior em multo improbationem omissionem deprehendi in A.C. invariate exemplaribus Cbytri & Coelestini inter se collatis quoad Art. XIII. & XVIII. Quae tamen omissione nihil prohibuerit, quo minus utrumque exemplum pro genuino semper sit habitum. In plurimis quoque articulis e. g. III. IV. VI. VII. &c. ne a prima quidem adornatione improbationem contrariorum adjectam, nihilominus subaudiendam fuisse. Sed respon-